

Programa << CREANDO MELLORA >>

Dá nas teclas que importan :
análise, planificación e xestión participada

Convoca: Unión de Cooperativas Galegas Espazocoop

Destinatarias: cooperativas prioritariamente // organizacións do sector da economía social

Convoca

Unión de Cooperativas Galegas EspazoCoop, dentro do Programa de actuación 2020 da Rede Eusumo.

A Rede Eusumo é unha rede de colaboración impulsada pola Secretaría Xeral de Emprego da Xunta de Galicia para o fomento e consolidación do cooperativismo e a economía social que conta co financiamento do Ministerio de Trabajo, Migraciones y Seguridad Social.



Obxecto

ESPAZOCOOP é unha entidade multisectorial, integrada por cooperativas de distintas clases, que ten, como un dos seus obxectivos, a mellora da xestión e do funcionamento a nivel organizativo das cooperativas e outras entidades de economía social

Coñecida a situación existente (dun baixo nivel de xerencias profesionais nas entidades de economía social), dalle continuidade a prestar apoio aos procesos de mellora e consolidación convocando o Programa 'CREANDO MELLORA', para cooperativas e organizacións do sector da economía social, que se canaliza como un **programa de bolsas para procesos de mellora nas cooperativas**.

O obxecto desta convocatoria é **seleccionar 5 COOPERATIVAS e/ou outras ENTIDADES DE ECONOMÍA SOCIAL** para **incorporar** nelas a **persoas coa titulación axeitada** que realizarán **prácticas de apoio e mellora xerencial na mesma durante 6 meses e 25 horas semanais**. As persoas bolseiras contan cunha axuda mensual que aboa EspazoCoop para desenvolver o seu labor, ademais a Unión encárgase do proceso de selección das persoas bolseiras.

A finalidade do Programa é mellorar as condicións nas que as cooperativas e entidades de economía social confrontan a función xerencial e os procesos de mellora nas súas organizacións.

CARACTERÍSTICAS DE 'CREANDO MELLORA'

Desenvolvemento dun Plan de Mellora

As persoas bolseiras seguen un Plan de Traballo, un programa formativo, teórico e práctico, de xerencia e mellora en cooperativas e outras entidades de economía social. Trátase de realizar un plan para a mellora xerencial e a consolidación na cooperativa/entidade. As bolseiras serán tituladas que contarán cunha persoa titora que se encarga de realizar seguimento e acompañamento dos traballos prácticos que fai na empresa, como poden ser: acadar información

relevante dos distintos ámbitos da organización, analizar as diferentes áreas, ordear a información acadada, realizar propostas, planificar, aplicar as accións de mellora que decida a dirección, realizar o seguimento das medidas tomadas na entidade, etc.

Para cada entidade beneficiaria dunha bolsa, os traballos que se realicen, terán un certo grao de adaptación ás necesidades e demandas que esta manifeste ou que se detecte máis necesaria na área xerencial.

Quen pode solicitar 'Creando Mellora'?

Seguindo a seguinte orde de preferencia:

1 | **Cooperativas sociais** de EspazoCoop, que reunan o perfil de beneficiarias do Programa. Serán de carácter **GRATUÍTO**.

2 | Se non se cubre o número previsto de Bolsas coas anteriores, poderanse incorporar **outras cooperativas non sociais e entidades de economía social** que formen parte de redes de economía social como o Foro pola Economía Social Galega; REAS Galicia, Coop57 e Fiare, **que teñan interese en mellorar o labor xerencial** e que non teñan persoal concreto e/ou profesionalizado para a xerencia.

*As entidades deste perfil seleccionadas cunha Bolsa, **terán que cofinanciar** o equivalente ao 20% do custe da mesma, que para esta edición ascenderá a un total de 1.260 € (mil douscentos sesenta euros), máis IVE (21%), a desembolsar en cotas mensuais de 210 € + 21% de IVE, durante os seis meses da estadia da persoa bolseira na entidade. No caso das cooperativas, existe a opción de poder financiar este importe co Fondo de Educación e Promoción Cooperativa.

Selección de cooperativas e entidades de economía social

O proceso de selección consistirá en recoller información das cooperativas e entidades de economía social demandantes:

1 | Mediante un formulario.

2 | A Unión de cooperativas EspazoCoop, asemade, recollerá máis información a través dunha visita ou entrevista coa cooperativa ou entidade solicitante.

A valoración e selección das cooperativas e entidades de economía social beneficiarias do Programa CREANDO MELLORA, será realizada por unha Comisión na que participará persoal técnico do Programa, e representantes de EspazoCoop.

Compromisos das cooperativas e entidades de economía social seleccionadas

As cooperativas e entidades de economía social que sexan beneficiarias de Bolsa a través do Programa CREANDO MELLORA, por un lado, terán dereito a dispor dunha persoa bolseira na área xerencial, con acompañamento dunha titora de EspazoCoop, e por outro lado, adquirirán certas obrigas ou compromisos (de participación no Programa, de atención e colaboración coa persoa bolseira, etc.), que se reforzarán na visita dentro do proceso de selección e na guía de xestión do Programa, e se recollerán nun convenio de colaboración que será asinado entre a entidade beneficiaria, a persoa bolseira e EspazoCoop.

Na cooperativa ou entidade de economía social deben existir unhas condicións mínimas de atención e dedicación á Bolsa e á persoa bolseira, tanto para que poida desenvolver os traballos encomendados, como para que a cooperativa tire proveito e contribúa á boa marcha da Bolsa.

O incumprimento das obrigas e compromisos por parte da entidade beneficiaria da Bolsa do Programa CREANDO MELLORA poderá conlevar a suspensión da mesma e, se é o caso, a reclamación de danos e prexuízos por parte da Unión de Cooperativas EspazoCoop.

Onde se desenvolve?

Como as persoas bolseiras **seguirán un programa formativo teórico – práctico** dinamizado por unha persoa titora, o lugar de celebración dos traballos de apoio xerencial serán :

- Nas instalacións da propia cooperativa ou entidade de economía social.
- Nos lugares e instalacións que se estimen necesarios para impartir as actividades formativas e de titoría (locais da Unión de Cooperativas EspazoCoop).

Por elo **é importante que a cooperativa dispoña das condicións de espazo e de equipamento idóneos**, para que a bolseira poida traballar sen carencias durante a estada en prácticas.

Titorías nas cooperativas e entidades de economía social

O Programa CREANDO MELLORA tamén prevé sesións de titorización dos traballos de mellora e xerenciais na propia cooperativa ou entidade de economía social. Nestas titorías participará algunha persoa socia da cooperativa/entidade, a persoa bolseira, e a titora de EspazoCoop.

Datas de posta en marcha

O **proceso de selección**, tanto de cooperativas e entidades de economía social como de persoas bolseiras, terá lugar entre **Novembro de 2019 e xaneiro de 2020**.

A **estada en prácticas** da persoa bolseira na cooperativa ou entidade de economía social, terá lugar entre o **1 de Febreiro e o 31 de Xullo de 2020**.

SOLICITUDES : QUE PRESENTAR?

As cooperativas ou entidades de economía social achegarán a **solicitud** e un **formulario en liña** cumprimentado para formalizar a súa demanda.

1 | A solicitud pode achegarse en formato dixital (orixinal escaneado) ou en formato papel (orixinal). Deberá estar asinada pola presidencia e secretaria do consello reitor/xunta directiva da cooperativa ou entidade de economía social e levar o selo.

Remitir a solicitud por correo electrónico á Unión de Cooperativas EspazoCoop a:
roberto@espazo.coop

2 | O formulario de demanda de CREANDO MELLORA cumprimentarase en liña e o recibiremos automaticamente en EspazoCoop.

INFORMACIÓN E CONSULTAS

No teléfono **986 866 149**, ou no correo electrónico roberto@espazo.coop

PRAZO DE PRESENTACIÓN

As solicitudes poderán presentarse ata o luns **18 de novembro de 2019**.

ACEPTACIÓN DAS BASES

A presentación da solicitud implica a conformidade e aceptación das bases da convocatoria por parte das cooperativas e entidades de economía social solicitantes.

En Santiago de Compostela, 5 de novembro de 2019